

Izvještaj o radu Uprave policije MUP-a Kantona Sarajevo za period januar-mart 2021. godine

KRIMINALITET

STATISTIČKI POKAZATELJI

U periodu januar - mart 2021. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 1.179 događaja sa obilježjem krivičnog djela (što je 31 ili 2,7% više u odnosu na period januar – mart 2020. godine).

Od ukupnog broja registrovanih događaja sa obilježjem krivičnog djela, 563 ili 47,8% je evidentirano po poznatom izvršiocu, a 616 ili 52,2% po nepoznatom izvršiocu.

Od ukupno 616 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 127 ili 20,6% (što je za 8,3% manje u odnosu na uporedni period).

U izvještajnom periodu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 806 obavijesti (114 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U PERIODU JANUAR- MART 2021/20. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR -MART 2021. GODINE	1.179	563	616	127	84	666	25	396	228
JANUAR -MART 2020. GODINE	1.148	511	637	184	86	613	17	327	232
<i>uporedba</i>	<i>31</i>	<i>52</i>	<i>-21</i>	<i>-57</i>	<i>-2</i>	<i>53</i>	<i>8</i>	<i>69</i>	<i>-4</i>
	<i>2,7%</i>	<i>10,2%</i>	<i>-3,3%</i>	<i>-31%</i>	<i>-2,3%</i>	<i>8,6%</i>	<i>47,1%</i>	<i>21,1%</i>	<i>-1,7%</i>

U prva tri mjeseca ove godine prijavljeno je 666 lica (53 više), 396 povratnika (69 više) (ili 59,5% od ukupnog broja prijavljenih lica), 25 maloljetnika (osam više), a 228 lica je lišeno slobode (četiri manje).

Za događaje sa obilježjem krivičnog djela, koji su evidentirani u izvještajnom periodu, prema izjavama oštećenih lica, nastupila je materijalna šteta u ukupnom iznosu od 1.798.776,34 KM i 300 € (u istom periodu prethodne godine nastala materijalna šteta je iznosila 3.099.423,27 KM i 7.600 €).

**TABELARNI PREGLED DOGAĐAJA SA OBILJEŽJEM KRIVIČNOG DJELA U PERIODU JANUAR - MART 2021/20. GODINE
NA PODRUČJU KANTONA SARAJEVO PREMA KRIVIČNOM ZAKONU FBIH-a I KZBIH-a**

KZ FBiH-a i KZ BiH-a	JANUAR - MART 2021. GODINE	JANUAR -MART 2020. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	62	49	13	26,5%	58	4	2	50%
Protiv slobode i prava čovjeka i građanina	68	44	24	54,5%	63	5	3	60%
Protiv spolne slobode i morala	7	6	1	16,7%	7	0	2	---
Protiv braka, porodice i mladeži	55	47	8	17%	55	0	0	---
Protiv zdravlja ljudi	113	123	-10	-8,1%	113	0	0	---
Protiv privrede, posl. i sigur. platnog prom.	3	0	3	---	3	0	0	---
Protiv imovine	737	700	37	5,3%	155	582	113	19,4%
Protiv okoliša, poljop. i prirodnih dobara	0	1	-1	---	0	0	0	---
Protiv opće sigurnosti ljudi i imovine	31	18	13	72,2%	14	17	0	0%
Protiv sigurnosti javnog prometa	23	21	2	9,5%	23	0	0	---
Protiv pravosuđa	7	3	4	133,3%	6	1	3	300%
Protiv javnog reda i pravnog prometa	50	101	-51	-50,5%	43	7	4	57,1%
Protiv podmićivanja i krivična djela protiv.	13	22	-9	-40,9%	13	0	0	---
Protiv sistema elektron. obrade podataka	1	0	1	---	1	0	0	---
Protiv čovječnosti i vrijed. zaštić.(KZ BiH)	0	1	-1	---	0	0	0	---
ZONDINOIM-a (Sl.novine KS br.01/18)	9	12	-3	-25%	9	0	0	---
UKUPNO	1.179	1.148	31	2,7%	563	616	127	20,6%

U periodu januar - mart 2021. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 31 ili 2,7%. Povećanje je zabilježeno u oblastima protiv imovine (za 37 događaja), slobode i prava čovjeka i građanina (za 24), života i tijela (za 13) itd., dok je najznačajnije smanjenje evidentirano u oblastima protiv javnog reda i pravnog prometa (za 51) i zdravlja ljudi (za 10 događaja).

U prvom tromjesečju 2021. godine za 171 službeni izvještaj, od strane Kantonalnog tužilaštva, donesena je naredba o obustavi i neprovođenju istrage (70 ili 29% manje u odnosu na uporedni period).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U periodu januar - mart 2021. godine evidentirana su 62 događaja sa obilježjem krivičnog djela iz oblasti protiv života i tijela (13 više u odnosu na uporedni period) i to 58 po poznatom i četiri po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - jedan (jedan manje događaj),
- ubistvo u pokušaju (član 166. KZ FBiH u vezi člana 28.) - šest (dva više),
- ubistvo u saučiniteljstvu (član 166. KZ FBiH u vezi člana 31.) - jedan (nije bilo),
- teška tjelesna ozljeda (član 172. KZ FBiH) – 23 (12 više),
- lahka tjelesna ozljeda (član 173. KZ FBiH) – 30 događaja (jedan manje) i
- učestvovanje u tuči (član 174. KZ FBiH) – jedan događaj (isto)

Nadležnom tužilaštvu podneseni su službeni izvještaji protiv 67 lica, od koji je 41 povratnik ili 61,2%, a 11 je lišeno slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 68 događaja sa obilježjem krivičnog djela (24 više) i to: ugrožavanje sigurnosti – 65, protupravno lišenje slobode – dva i narušavanje nepovredivosti doma – jedan događaj, za čije je izvršenje evidentirano 66 lica, od kojih je 40 povratnika (ili 60,6%), a deset je lišeno slobode. Događaji sa obilježjem krivičnog djela ugrožavanja sigurnosti evidentirani su u kojima su izvršioци upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 55 događaja sa obilježjem krivičnog djela (osam više) i to: nasilje u porodici - 51, trgovina ljudima, oduzimanje djeteta ili maloljetnika, izbjegavanje izdržavanja i zapuštanje ili zlostavljanje djeteta ili maloljetnika – po jedan događaj za čije izvršenje je prijavljeno 57 lica, od kojih je 28 povratnika (ili 49,1%), a 30 lica je lišeno slobode.

PROTIV ZDRAVLJA LJUDI

Evidentirano je 113 događaja sa obilježjem krivičnog djela iz oblasti protiv zdravlja ljudi (deset manje) i to:

- Neovlašćena proizvodnja i stavljanje u promet opojnih droga (čl. 238. KZ FBiH) – devet,
- Posjedovanje i omogućavanje uživanja opojnih droga (čl. 239. KZ FBiH) – 100,
- Nepostupanje po zdravstvenim propisima za vrijeme epidemije (čl. 226. KZ FBiH) – četiri.

Nadležnom tužilaštvu podneseni su službeni izvještaji protiv 113 lica, među kojima je 68 povratnika (ili 60,2%), a 47 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv deset lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", „Speed“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 99 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Heroin”, "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U PERIODU JANUAR - MART 2021/20. GODINE

VRSTA OPOJNE DROGE	JANUAR – MART 2021. GODINE	JANUAR – MART 2020. GOD.
Marihuana (u gramima)	794,45	7.393,4
Marihuana (paketići)	51	74
Heroin (u gramima)	69,885	19,1
Heroin (paketići)	---	5
Amfetamin (u gramima)	67,276	75,2
Amfetamin (paketići)	12	18
Speed (u gramima)	9.107,883	52,7
Speed (paketići)	15	24
Cannabis (stabljike)	----	155
Ecstasy (tablete)	---	8
Ecstasy (u gramima)	---	2,2
pribor sa ostacima droge (kom.)	2	11

PROTIV IMOVINE

U izvještajnom periodu, evidentirano je 737 događaja sa obilježjem krivičnog djela protiv imovine (155 po poznatom i 582 po nepoznatom izvršiocu) što je za 37 ili 5,3% više u odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 350 (pet manje),
- krađa (član 286. KZ FBiH) – 192 (19 više),
- razbojništvo (član 289. KZ FBiH) – 85 (pet manje),
- oštećenje tuđe stvari (član 293. KZ FBiH) – 54 (11 više),
- teška krađa u pokušaju (član 287. KZ FBiH u vezi člana 28.) – deset (isto),
- utaja (član 290. KZ FBiH) – 14 (četiri više),
- prijevarena (član 294. KZ FBiH) - osam (jedan manje), itd.

Nadležnom tužilaštvu podneseni su službeni izvještaji protiv 220 lica, od kojih je 157 povratnika (ili 71,4%), a 65 je lišeno slobode.

Od ukupno 582 događaja evidentiranih po nepoznatom izvršiocu iz oblasti protiv imovine naknadno je rasvijetljeno 113 ili 19,4% što je za 8,7% manje u odnosu na uporedni period 2020. godine.

U prva tri mjeseca ove godine, prema objektima izvršenja teških krađa, 155 je izvršeno u stambene objekte (19 više u odnosu na uporedni period), 91 u motorna vozila (otuđenja motornih vozila i “provale” u ista) (tri više), 63 u poslovne prostorije (dva više), 23 na ulici (16 manje) i u ostalim objektima 18 (13 manje).

Takođe, evidentirano je 28 otuđenja motornih vozila od čega je osam ili 28,6% pronađeno i vraćeno vlasnicima (Uprava policije MUP-a KS-a – četiri, MUP RS-a – jedno, drugi MUP-ovi – dva i vlasnici su pronašli – jedno vozilo).

Broj otuđenih motornih vozila u odnosu na uporedni period povećan je za tri ili 12%.

Evidentirana su 192 događaja sa obilježjem krivičnog djela krađe (19 više) i to u poslovnim prostorima – 73 puta, na ulici - 56, u stambenim objektima - 33, vozilima i na stajalištima GRAS-a – 12, itd. odakle su otuđivani novčanici, mobiteli, prehrambeni proizvodi, ogrijevno drvo, auto-dijelovi, itd.

Evidentirana su 22 događaja sa obilježjem krivičnog djela teških krađa na naročito opasan ili naročito drzak način (18 manje), u kojima su izvršiocu, upotrebom fizičke snage (otimanjem i trganjem) - 20 puta i verbalnom prijetnjom u dva slučaja, otimali mobitele, novac, nakit i tašne, a evidentirani su: 15 put na ulici, četiri na tramvajskim stajalištima, dva u prodavnicama i jedan u haustoru stambene zgrade. Nadležnom tužilaštvu podneseni su službeni izvještaji protiv deset lica, od kojih su osam povratnika u činjenju krivičnih djela ili 80%, a osam lica je lišeno slobode.

U prvom tromjesečju ove godine evidentirano je 85 događaja sa obilježjem krivičnog djela razbojništva (pet manje).

Nadležnom tužilaštvu podneseni su službeni izvještaji protiv 34 lica, od kojih je 25 povratnika (ili 73,5%), a 18 lica je lišeno slobode.

Od ukupno 74 događaja razbojništva evidentiranih po nepoznatom izvršiocu, naknadno je rasvijetljeno 30 ili 40,5% (što je za 11,1% više u odnosu na uporedni period).

Razbojništva su izvršena prijetnjom upotrebe vatrenog oružja - 42 puta, prijetnjom upotrebe noža ili drugog oštrog predmeta – 23 i upotrebom fizičke snage – 20 puta, a počinjena su u poslovnim prostorijama – 41 put, na ulici – 22, u sportskim kladionicama – sedam, na benzinskim pumpama – šest, u apotekama – pet, itd. Otudivan je novac, mobiteli, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentiran je 31 događaja (13 više) i to: izazivanje opće opasnosti – 27, nesavjesno čuvanje pasa i drugih opasnih životinja – dva, teška krivična djela protiv opće sigurnosti ljudi i imovine i izazivanje opće opasnosti u pokušaju – po jedan događaj. Nadležnom tužilaštvu podneseni službeni izvještaji protiv 14 lica, od kojih je sedam povratnika (ili 50%), a 10 je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru 23 puta, u stambenim objektima – tri i u poslovnom objektu - jedan, pri čemu je u 10 slučajeva aktivirana nepoznata eksplozivna naprava, 10 puta je otvorenim plamenom izazvan je požar i u sedam slučajeva pucano je iz vatrenog oružje. Posljedica navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 50 događaj sa obilježjem krivičnog djela (51 manje) i to: nasilničko ponašanje – 16 (četiri manje), napad na službenu osobu u vršenju poslova sigurnosti – 11 (tri više), krivotvorenje isprave – devet (51 manje), nedozvoljeno držanje oružja ili eksplozivnih materija – četiri (dva manje), skidanje ili povreda službenog pečata ili znaka – četiri događaja (dva manje), itd.

Nadležnom tužilaštvu podneseni su službeni izvještaji protiv 63 lica od kojih su 32 povratnika (ili 50,8%), a 19 je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U periodu januar-mart 2021. godine evidentirano je 30 događaja sa obilježjem krivičnog djela, u kojima je učestvovalo 25 maloljetnih lica. U odnosu na isti period 2020. godine povećan je broj maloljetnih lica za osam ili 47%, a broj događaja sa obilježjem krivičnog djela ostao je isti.

STAROSNA DOB MALOLJETNIH LICA JANUAR - MART 2021/2020. GODINU

PERIOD	od 14 do 16 god.	od 16 do 18 god.	ukupno
januar - mart 2021. godina	15	10	25
januar - mart 2020. godina	7	10	17

Među prijavljenim maloljetnim licima, 15 su u dobi do 16 godina i 10 u dobi između 16 i 18 godina, a povratnika je osam.

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U PERIODU JANUAR- MART 2021/2020. GODINE

događaji sa obilježjem krivičnog djela (KZ FBiH)	januar-mart 2021.	januar-mart 2020.
Ubistvo u saučiniteljstvu	1	---
Ubistvo u pokušaju	---	1
Teška tjelesna ozljeda	3	---
Lahka tjelesna ozljeda	5	1
Učestvovanje u tuči	---	1
Ugrožavanje sigurnosti	2	1
Nasilje u porodici	1	---
Nepostupanje po zdravstvenim propisima za vrijeme epidemije	1	---
Neovlaštena proizvodnja i stavljanje u promet opojnih droga	1	---
Posjedovanje i omogućavanje uživanja opojnih droga	3	2
Krađa	---	1
Teška krađa	1	2
Teška krađa na naročito opasan ili naročito drzak način	---	9
Razbojništvo	3	7

Razbojništvo u pokušaju	---	1
Lažno prijavljivanje	---	1
Oštećenje tuđe stvari	2	---
Teška krivična djela protiv sigurnosti javnog prometa	1	---
Neukazivanje pomoći osobi ozlijeđenoj u prometnoj nezgodi	1	---
Nasilničko ponašanje	3	2
Napad na službenu osobu u vršenju poslova sigurnosti	1	---
ZOONDINOIM	1	1
UKUPNO	30	30

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar - mart 2021. godine na području Kantona Sarajevo evidentirano je pet događaja aktiviranja minsko-eksplozivnih sredstava izvršenih od strane nepoznatih učinilaca (jedan događaj u istom periodu 2020. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca.

Evidentirana je jedna anonimna dojava o postavljenoj eksplozivnoj napravi (sedam manje u odnosu na period januar - mart 2020. godine), a odnosila se na Općinski sud. Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju ovog događaja.

POŽARI

U periodu januar - mart 2021. godine, na području Kantona Sarajevo registrovano je 58 požara (22 manje), u kojima je jedno lice poginulo.

Prema statističkim pokazateljima, 19 požara je izazvano namjerno, sedam zbog tehničkih nedostataka, dva nehatom, dok uzroci 30 požara spadaju u kategoriju ostalih.

Požari su registrovani u:

- Stambenim objektima - 12 puta,
- Saobraćajnim sredstvima - 11,
- Poslovnim prostorima - četiri,
- Pomoćnom objektu - jednom,
- Proizvodnom objektu - jednom,
- Magacinu - jednom,
- Ostalim objektima - 28 puta.

Zbog izazivanja požara nadležnom tužilaštvu podneseno je 16 službenih izvještaja: 10 iz člana 323. KZ FBiH (izazivanje opće opasnosti) i šest iz člana 301. KZ FBiH-a (paljevina).

SAMOUBISTVA

U prva tri mjeseca 2021. godine na području Kantona Sarajevo registrovano je devet samoubistava (dva više), koja su izvršena: vješanjem - pet puta, upotrebom vatrenog oružja - dva puta i skakanjem sa visine - dva puta.

Izvršioci su: sedam osoba muškog i dvije osobe ženskog spola.

Muškarci su starosne dobi: preko 70 godina - četiri lica, od 25 do 30 godina, od 30 do 40 i od 50 do 60 godina - po jedno lice. Žene su starosne dobi: od 40 do 50 godina i preko 70 godina - po jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je 18 pištolja, 56 ručnih bombi, 120 noževa, 24 eksplozivne naprave, 509 kom. municije raznog kalibra, itd.

U periodu januar - mart ove godine fizičkim licima izdata su 422 odobrenja za nabavku vatrenog oružja i 317 oružnih listova.

JAVNI RED I MIR

U periodu januar - mart 2021. godine u oblasti protiv javnog reda i mira evidentirano je 3.814 prekršaja (2.523 ili 195,4% više u odnosu na isti period 2020. godine), za čije izvršenje je prijavljeno 3.850 lica (2.491 ili 183,3% više).

Zbog učinjenih prekršaja u oblasti protiv javnog reda i mira izdato je 3.689 naloga i podneseno je 125 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 3.747 prekršaja (ili 98,2%), a na prekršaje koji su utvrđeni Odlukom općinskih vijeća o javnom redu i miru 67 (ili 1,7%).

Od ukupnog broja prijavljenih lica, 236 je povratnika u činjenju prekršaja, a prema starosnoj strukturi učinilaca prekršaja, najbrojniji su u dobi između 26 i 35 godina (1.538), preko 36 godina (1.284), između 19 i 25 godina (1.018) i do 18 godina - 10.

Prilikom narušavanja javnog reda i mira u periodu januar – mart 2021. godine, nije bilo teže povrijeđenih lica (kao ni u istom periodu 2020. godine), dok je 18 lica (šest više) lakše povrijeđeno

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA PERIOD JANUAR- MART 2021/2020.GODINA

STRUKTURA PREKRŠAJA	januar-mart 2021.	januar-mart 2020.	+ - %
UKUPNO prekršajnih naloga i zahtjeva za ppp	3.814	1.291	+2523 ili 195,4%
UKUPNO lica	3.850	1.359	+2491 ili 183,3%
Prekršaji prema Zakonu o prekršajima protiv JRiM:	3.747	1.200	+2547 ili 212,2%
<i>-Tuča</i>	54	72	-18 ili 25%
<i>-Naročito drsko ponašanje</i>	79	170	-91 ili 53,5%
<i>-Odbijanje naređenja i omalovažavanje pol. služb.</i>	388	278	+110 ili 39,6%
<i>-Prosjačenje</i>	308	343	-35 ili 10,2%
<i>-Paljenje petardi</i>	2	4	-2 ili 50%
<i>-Uživanje opojne droge na javnom mjestu</i>	7	14	-7 ili 50%
<i>-Svada, vika, nepristojno ponašanje</i>	29	34	-5 ili 14,7%
<i>-Ostali prekršaji</i>	2.880	285	+2595 ili 910,5%
Ukupno naloga/ zahtjeva prema Odluci o.v. o JRM	67	91	-24 ili 26,4%

Iz tabelarnog pregleda vidljivo je, da je u periodu januar-mart 2021. godine, u odnosu na isti period prethodne godine prema strukturi prekršaja povećan broj sljedećih prekršaja:

- ostali prekršaji za 2.595 ili 910,5%,
 - odbijanje naređenja i omalovažavanje policijskih službenika za 110 ili 39,6%;
- dok je smanjen broj prekršaja:
- naročito drskog ponašanja za 91 ili 53,5%,
 - prosjačenje za 35 ili 10,2%,
 - prekršaji koji su regulisani Odlukom općinskih vijeća za 24 ili 26,4%,
 - tuča za 18 ili 25%,
 - uživanje opojne droge na javnom mjestu za sedam ili 50%,

- svađa, vika, nepristojno ponašanje za pet ili 14,7%,
- paljenje petardi za dva ili 50%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (3.754 ili 98,4% od ukupnog broja), a znatno manje u ugostiteljskim objektima – 12 i trgovinama i zanatskim radnjama – dva, dok je na ostalim mjestima evidentirano 46 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA PERIOD JANUAR – MART 2021./2020. GODINE

MJESTO IZVRŠENJA	januar-mart 2021.	januar-mart 2020.	+ - %
Ulica i drugi otvoreni prostor	3.754	1.183	+2571 ili 217,3%
Ugostiteljski objekti	12	45	-33 ili 73,3%
Sportski stadioni i dvorane	---	---	---
Vozila javnog saobraćaja	---	2	-2
Škole i školska dvorišta	---	5	-5
Trgovinske i zanatske radnje	2	5	-3 ili 60%
Ostala mjesta	46	51	-5 ili 9,8%
UKUPNO	3.814	1.291	

U odnosu na isti period 2020. godine, znatno je povećan broj prekršaja na ulici i drugim otvorenim prostorima za 2.571 ili 217,3%, dok je broj prekršaja u ugostiteljskim objektima smanjen za 33 ili 73,3%, u školama i školskim dvorištima za pet, na ostalim mjestima za pet ili 9,8%, u trgovinama i zanatskim radnjama za tri prekršaja.

Na području Kantona Sarajevo u periodu januar-mart 2021. godine održan je 201 javni skup (176 ili 47% manje u odnosu na isti period 2020. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 30 slučajeva izvršeno je KDZ osiguranje.

SAOBRAĆAJ

U periodu januar- mart 2021. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastradalim licima kao i broj povrijeđenih lica, dok je broj poginulih lica povećan.

Registrovano je 1.639 saobraćajnih nezgoda (441 ili 21,2 % manje), od čega 1.486 sa materijalnom štetom (433 ili 22,6 % manje) i 153 sa nastradalim licima (osam ili 5 % manje). U navedenim nezgodama šest lica je poginulo (pet ili 500 % više), a 177 je povrijeđeno (36 ili 16,9 % manje).

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JANUAR – MART 2021./2020. GODINA

	2021.	2020.	uporedba	
			+,-	%
UKUPAN BROJ SAOBRAĆAJNIH NEZGODA	1.639	2.080	- 441	-21,2 %
SAOBRAĆAJNE NEZGODE SA NASTRADALIM LICIMA	153	161	- 8	- 5 %
SAOBRAĆAJNE NEZGODE SA MATERIJALNOM ŠTETOM	1.486	1.919	- 433	-22,6 %
POGINULO LICA	6	1	+ 5	+ 500 %
- vozači	4	0	+ 4	-----
- putnici	1	0	+ 1	-----
- pješaci	1	1	-----	-----
POVRIJEĐENO LICA	177	213	- 36	- 16,9 %
- vozači	89	105	- 16	- 15,2 %
- putnici	48	69	- 21	- 30,4 %
- pješaci	40	39	+ 1	+ 2,6 %

U naselju je registrovano 1.490 saobraćajnih nezgoda (šest sa poginulim, 136 sa povrijeđenim licima i 1.348 sa materijalnom štetom), van naselja 149 nezgoda (11 sa povrijeđenim licima i 138 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
JANUAR – MART 2021 GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	6	23	113	1.348	1.490	6	24	142
van naselja		1	10	138	149		1	10
UKUPNO	6	24	123	1.486	1.639	6	25	152

Prema kategoriji puta, saobraćajne nezgode registrovane su:

- na ulicama u naselju - 996 nezgoda u kojima su 84 lica nastradala (četiri lica poginula, 80 lica povrijeđeno - 19 teže i 61. lakše),
- na magistralnim putevima - 259 nezgoda u kojima je 49 lica nastradalo (jedno lice poginulo, 48 lica povrijeđeno - četiri teže i 44 lakše),
- na regionalnim putevima – 138 nezgoda u kojima je 16 lica povrijeđeno (jedno teže i 15 lakše),
- na lokalnim putevima - 84 u kojima je sedam lica povrijeđeno (jedno teže i šest lakše),
- na putevima koji se ubrajaju u kategoriju ostalih - 162 nezgode u kojima je 27 lica nastradalo (jedno lice poginulo i 26 lica lakše povrijeđeno).

Prema karakteristikama puta, saobraćajne nezgode registrovane su:

- na raskrscima u naselju - 218 (34 lica povrijeđena),
- na raskrscima van naselja - 47 (šest lica povrijeđeno),
- na pješačkim prelazima - 23 (10 lica povrijeđeno),
- na mostu - osam (bez nastradalih lica),
- na nadvožnjaku - tri (bez nastradalih lica),
- na podvožnjaku - dvije nezgode (bez nastradalih lica),
- na putevima koji se ubrajaju u karakteristike ostalih - 1.338 (šest lica poginulo, 127 lica povrijeđeno).

POSLJEDICE SAOBRAĆAJNIH NEZGODA

U periodu januar - mart 2021. godine, u saobraćajnim nezgodama na području Kantona Sarajevo nastradala su ukupno 183 lica (31 ili 14,5 % manje u odnosu na isti period prethodne godine). Šest lica je poginulo (pet ili 500 % više), dok je 177 lica povrijeđeno (36 ili 16,9 % manje), od čega 25 teže (tri ili 10,7 % manje) i 152 lakše (33 ili 17,8 % manje).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJI UČESNIKA
JANUAR – MART 2021/2020.GODINA

PERIOD	JANUAR – MART 2021. GODINA			JANUAR – MART 2020. GODINA			UPOREDBA JANUAR - MART 2021/20. GOD.		
	poginulo	teško povrijedeno	lakše povrijedeno	poginulo	teško povrijedeno	lakše povrijedeno	poginulo	teško povrijedeno	lakše povrijedeno
VOZAČI	4	7	82	0	8	97	+ 4	- 1	- 15
PUTNICI	1	5	43	0	10	59	+ 1	- 5	- 16
PJEŠACI	1	13	27	1	10	29	-----	+ 3	- 2
UKUPNO	6	25	152	1	28	185	+ 5	- 3	- 33

KATEGORIJE LICA POGINULIH U SAOBRAĆAJNIM NEZGODAMA PO OPĆINAMA

- Vozači - četiri (Novo Sarajevo, Novi Grad, Ilidža i Hadžići po - jedan),
- Putnici - jedan (Stari Grad)
- Pješaci - jedan (Novi Grad)

STEPEN POVREDA UČESNIKA U SAOBRAĆAJNIM NEZGODAMA

- Vozači : 89 vozača povrijedeno (sedam teže i 82 lakše),
- Putnici: 48 putnika povrijedeno (pet teže i 43 lakše),
- Pješaci: 40 pješaka povrijedeno (13 teže i 27 lakše)

Starosna struktura nastradalih lica u saobraćajnim nezgodama je slijedeća:

- ispod šest godina - tri lica,
- od šest do 14 godina -sedam,
- od 15 do 20 godina - osam,
- od 21 do 24 godine - 20,
- od 25 do 30 godina - 26,
- od 31 do 40 godina - 38,
- od 41 do 50 godina - 26,
- od 51 do 65 godina - 26,
- 66 i više godina - 19,
- Nepoznata starosna dob - 10 lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - sedam lica,
- od 23 do 30 godina - 29,
- od 30 do 40 godina - 26,
- od 40 do 50 godina - 15,
- od 50 do 60 godina - 11 lica,
- 60 i više godina - pet lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih - 1.358 (šest lica poginulo, 123 lica povrijeđena),
- neprilagođena brzina - 265 (44 lica povrijeđena),
- uticaj alkohola - 10 (10 lica povrijeđeno),
- klizav put - tri (bez nastradalih lica),
- nedostatak saobraćajne signalizacije - tri (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 45.102 vozila (12.527 ili 21,7% manje).

Zbog kršenja propisa iz oblasti sigurnosti saobraćaja uručena su 39.473 prekršajna naloga vozačima (22.559 ili 36,4% manje), podnesena 572 zahtjeva za pokretanje prekršajnog postupka (320 ili 35,9% manje) i registrovana 23 događaja sa obilježjem krivičnog djela krivična djela ugrožavanja sigurnosti javnog prometa (dva ili 9,5% više).

Zbog tehničke neispravnosti, iz saobraćaja je isključeno 100 vozila (50 ili 33,3 % manje), 373 vozača su zatečena da upravljaju vozilom pod dejstvom alkohola (501 ili 57,3 % manje), 832 bez korištenja sigurnosnog pojasa (762 ili 47,8% manje), 460 bez položenog vozačkog ispita (108 ili 19% manje), 167 pod izrečenom zaštitnom mjerom (57 ili 25,4% manje), 878 vozača je zatečeno da koriste mobitel tokom vožnje (273 ili 23,7% manje), a 659 vozila je otkriveno da učestvuju u saobraćaju bez važeće registracije (2.727 ili 80,5% manje).

MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2021. godine, pripadnici Uprave policije su uručili 19.494 prekršajna naloga vozačima koji nisu poštivali saobraćajne propise prilikom parkiranja (3.135 manje u odnosu na isti period prošle godine), upozorili 2.227 vozača (1.381 više), a specijalnim vozilom „pauk“ premještena su 222 vozila (797 manje).

Takođe, pješacima koji su kršili saobraćajne propise uručena su 354 prekršajna naloga (265 manje), a upozorena su 354 pješaka (214 više).

ZAKONITOST U RADU

U periodu januar- mart 2021. godine registrovano je 10 napada (jedan više) na policijske službenike Uprave policije MUP-a Kantona Sarajevo: osam pojedinačnih i dva grupna napada. Napadači su u šest slučajeva koristili oruđa i druge predmete, tri puta fizičku snagu, a u jednom slučaju vatreno oružje. Tom prilikom šest policijskih službenika je lakše povrijeđeno.

Policijski službenici Uprave policije su tokom izvještajnog perioda u pet slučajeva (osam manje) opravdano upotrijebili silu:

- Hemijska sredstva - tri puta
- Fizičku snagu i sredstva zavezivanje - dva puta

Tokom prvog tromjesečja 2021. godine, razmatrano je 90 predavki na rad policijskih službenika. Nakon razmatranih predavki Odbor za žalbe građana Skupštine Kantona Sarajevo donio je zaključak da se za 43 predavke (16 više) provede unutrašnja istraga, za 32. predavke je odlučeno da se izvrše provjere i prikupi dokumentacija, a za 15 da su neosnovane.

Od ukupno 90 razmatranih predstavlki, 55 je podneseno od strane građana, a 35 predstavlki predstavljaju saznanja iz službe.

Okončano je 49 unutrašnjih istraga među kojima je 20 neosnovanih, 15 je bilo bez dovoljno dokaza, 10 je osnovanih, u dva slučaja stranka je odustala od žalbe, dok su dvije istrage zaključene ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Službenici policije su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

U okviru koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, realizovne su slijedeće aktivnosti:

- Učešće na Okruglom stolu Koordinacionog tijela za prevenciju, zaštitu i borbu protiv nasilja u porodici na temu „Multisektorska saradnja Kantona Sarajevo iskustva i izazovi epidemije“, u organizaciji NVO Fondacije lokalne demokratije.
- Prezentovan je program „Socijalizacija s pravom“, kroz učešće u televizijskoj emisiji „Polis“, u okviru projekta „TV SA mladima“, a koji po pitanju prevencije maloljetničkog prijestupništva predstavlja nastavak saradnje policije sa Ministarstvom za obrazovanje, nauku i mlade Kantona Sarajevo i nevladine organizacije „PH International“,
- Prisustvovanje i osiguranje održavanja ski-takmičenja na Babinom dolu za 80 dječaka i djevojčica u organizaciji skijaškog kluba „Bjelašnica“.
- Podržana je kampanja, koja se odnosi na pomoć osobama u problemu ovisnosti u smislu promocije besplatnog savjetovališta i telefonskog broja kroz promo materijale,
- Nastavljena je realizacija projekata „Program socijalizacije s pravom“, „Jačanje tužilačkih kapaciteta u sistemu krivičnog pravosuđa u Bosni i Hercegovini“ i „Cyberbulling“ u on-line modelu kroz održane radionice u osnovnim školama na području Kantona Sarajevo.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela.

Takođe, preduzimane su aktivnosti vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja.

Kontinuirano je vršen obilazak ugostiteljskih objekata u cilju kontrolisanja ograničenja rada istih.

Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakata sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u periodu januar – mart 2021. godine evidentirano je prisustvo ukupno cca 10.684 migranta i to u mjesecu januaru - 3.983, februaru – 4.028 i martu – 2.673 migranta.

U izvještajnom periodu migranti su učestovali u 29 događaja sa obilježjem krivičnog djela i to:

- Ubistvo u pokušaju (čl. 166/28 KZ FBiH) – jedan,
- Teška tjelesna ozljeda (čl. 172 KZ FBiH) – dva,
- Lahka tjelesna ozljeda (čl. 173 KZ FBiH) – četiri,
- Silovanje u pokušaju (čl. 203/28 KZ FBiH) – jedan,
- Posjedovanje i omogućavanje uživanja opojnih droga (čl.239 KZ FBiH-a) – dva,
- Krađa (čl. 286 KZ FBiH) – četiri,
- Teška krađa na naročito opasan ili naročito drzak način (čl. 287 KZ FBiH) – jedan,
- Teška krađa u pokušaju (čl. 287. u vezi člana 28. KZ FBiH) – dva,
- Razbojništvo (čl. 289 KZ FBiH) – četiri,
- Razbojništvo u pokušaju (čl. 289/28 KZ FBiH) – tri,
- Oštećenje tuđe stvari (čl. 293. KZ FBiH-a) – tri,
- Sprječavanje službene osobe u vršenju službene radnje (čl.358 KZ FBiH) – jedan i
- Napad na službenu osobu u vršenju poslova sigurnosti (čl.359 KZ FBiH) – jedan događaj.

Policijski službenici su u periodu januar – mart 2021. godine kontrolisali 3.567 migranta, od čega 191 nije posjedovao registracioni obrazac, 165 je upućeno službi za poslove sa strancima radi registracije, tri su predata službi za poslove sa strancima, 351 migranata je smješten u imigracione centre i nad 16 migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 13 akcija) na području Kantona Sarajevo, u periodu januar - mart 2021. godine, policijski službenici Uprave policije MUP-a Kantona Sarajevo pronašli su ukupno 139 migranata koje su predali nadležnoj službi za strance.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

PERIOD JANUAR - MART 2021. GODINE	KANTON SARAJEVO
UKUPAN BROJ MIGRANATA KOJI JE BORAVIO NA PODRUČJU KANTONA SARAJEVO (SLOBODNA PROCJENA I PODACI IOM-a)	10.684
UKUPAN BROJ KONTROLISANIH MIGRANATA	3.567
BROJ MIGRANATA LIŠENIH SLOBODE	22
BROJ KRIVIČNIH DJELA POČINJENIH OD STRANE MIGRANATA	29
BROJ PREKRŠAJA POČINJENIH OD STRANE MIGRANATA	1
BROJ INCIDENATA POČINJENIH OD STRANE MIGRANATA	32
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	13
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	351

Sarajevo, 16.04.2021. godine

Odjeljenje za odnose s javnošću